



E X E M P L
H A P U N I T I O N

*Eus a ur Plac'h Yuouanq, pehini e deus bet ar
grueldet da laza e fevar C'hrouadur, condaonet
da veza crouguet ha devez er guer a Roazon,*

Var un ton nêvez.

SPERET-SANTEL, m'ho ped da rêi din al lumier,
Ar c'hraç da gomposi ur Verz spifituel,
Un exempl a zo quell drist hac ur melezour
patant,
Ma rêi reflexion varni an dud yaouanq.

Er blavez mil seiz cant ha tri ha daou-uguent,
An degvet a vis du, evit rêi da entent,

2
Re escopti a Roazon, en dreo eus a Zant-Gloda,
Ee'b éruas ur maieur a ra d'an oll crena.

Ur feunelen yaouanq, a lignez enorabl,
Eus a dud pinvidiq abers mam, abers tad,
A c'hanas daou vuguelic, er moment e voe tentet
D'o etrangli o daou hep beza badezet.

O c'heul ur guzul fall e qemeraz ur bal,
E yas da gorn ar parq d'o flanta en douar;
Mes Doue oll-buissant en deveus bet permetet
Dre un aneval brutal m'è ar e'brim anavet.

Retorn a ras d'ar guêr da guz he fallenti;
He zad e remerqas, hac a c'houlas outi:
Va merc'h, pelec'h oc'h-u bet? gouall chenchet
bras ho cavàn;
Dious al liou a zouguit e seblant e zoc'h clàn.

Respont a ras d'e zad gant un ér indifferant:
Me a vezo exempl da galz a dud yaouanq;
Va bucz a verito beza partout publiet,
Ma réi reflexion vani calz a blac'het,



He zad ouz e c'hêvet a ras reflexion
 Var he oll preposiou a douche e galon.
 Ha possubl ve ta, va merc'h, e ven bet oua ho
 meur,
 Em be ur c'hrouadur da rêy din displijadur!

Da benn pèvar devez m'e d'oa grêt he zorfet;
 He zad a yas d'ar parq da guerc'hat e loenet,
 P'antreas e voe estonet o velet un aneval
 E tenn'an daou vuguel ermès eus an douar,

Eus a zeis crouadur e deus bet va fried,
 N'em eus nemet unan onn ganti glac'haret.
 Lavaret mat e voa din em bije sur calonat
 Diouss va merc'h libertin abret pe divevat.

Redec a ras d'ar guêr n'eur goler ar vrassa,
 Ma gemeras un hach en avis he laza;
 Mes pa zonjas sqêi ganti, e El mat e inspira
 D'arrêti e goler, hac e verc'h a dec'has.

Quittat a ras an ty da vit he daou buguel

Ha o faças o daou bars en he davancher,
 Hac en em rentas gante e ty'n autrou Senechal
 Da zisclêria dezàn he zorfejou barbar.

An Autrou p'e c'h lêvas a voe bras estonet,
 A çhomas ouz e dol evel un den mantret;
 Ar bluen demeus e zorn a goeas crac digantâ;
 Pa vel an daou vuguel e commanç da vouela.

Penaos, miserables! ec'h éus bet ar galon
 Da laza daou vuguel hep caout compassion?
 Ur bunission gwell vras ac'h eus-te sur méritet,
 A vezo hep dale ec'h enep prononcet.

An Autrou Senechal a gommand d'ur serjant
 He laqat er prison neuze souden vatant
 Eguêr demeus a Roazon, ha dindan seitec devez
 E voe grêt he arêt ha juget he frocez.

Pa voe interrojet, ar justiç a estone
 O clêvet ar plac'h-mân e tislêrya he bué,
 O velet peguer secret e ouze he oll c'hrimou;
 Nemet puissanç Doue n'anaveze anezo.

Eus a bemp crouadur am eus laquet er bed,
 Nemet unan zo beo; pèvar am eus lazet.
 Des sur n'en devez santet va oll c'hrimou
 execrabl,
 Nemet sur an daou-màn en deus gouezet va zad.

Ar c'henta a meus ganet e qichen qêr Vitre,
 A dolis er rivier pa voe ganet gane;
 Hac an eil a voa maro abars ma teuas er bed,
 A blantis er bern teil e parc va amezec.

Ha nemet an drede zo chomet en bue;
 Entre Kermaria e voe ganet ganén,
 Er c'hissis prest d'ar porchet, hac en e voe cavet
 Gant daou zen ancien o tremen ar vèret.

Neuze voe condaonet da veza divisquet
 Laquet en e c'herc'hen un invis roussinet,
 Hac an amand honorabl a ranqas ive da ober
 Gant un torch allumet dirac ilis Sant Pêr.

A dal ilis Sant Pêr bete ma voe rentet

E qichen ar potañ, truez voa e c'hêvet
 O ouela, o teplori, o c'houlen digant Doue
 Eus a greis he c'halon barados d'e ene.



Cri vije ar galon e Roazon na ouelje,
 O clêvet ar plac'h-màn penaus e prezegue;
 Ha pa bignas d'ar potañ e c'houlennas an amzer.
 Da instrui'r yaouanqis he asiste da vervel.

REFLEXION.

ENTREZOC'H, tud yaouane, qement so o clêvet,
 Comprenit'er waro so diu-me preparet;
 Evit va oll buez fall ha va disoboissanç
 E renqan mervel mezos siousas ouz ur potañ!



Me zo ur plac'h certain a voa elevet mat,
 Disqet e pep fêçon gant va mam ha va zad;
 Demeus a zeis crouadurint am c'harie ar muia,
 Me ra bremâ dezo var o zreid dizec'ha.



O rên va unec vloas e voen-me recevet
 Gant person va fares, gant hênor ha respet;

Da ober va c'homunion etouez ar vugale ;
Pemp bloas emeus bevet e carante Doue.



Da ben va c'hoezec vloas e voan bet debochet
Gant diou blac'h libertin hac o c'hamaradet,
Ma yèn-me ganto bemnos ha d'ar bal ha d'an
dançou :

Va mallos a bedàn gant an nep o heuillo.



Tadou ha c'houi mamou, mestrou ha mea-
trezet,

Instruit ho pugale hac o tomesliqet :
N'o lezit qet da vonet da nep seurt assamble
Na vezo tud honest e compagnuez gante.



Me zo hirio siouas meleour digor franc,
Diouallit eus ar bed, entrezoc'h plac'het
yaouanq ;

Pedit Doue d'o sicour hac e vamsacrar Verc'hez
Da bellât diouzoc'h ar goal gompagnuez.



En em recomandi a ran d'ho pedennou ;
Pedit Jesus dre e c'haç d'am receo er joayou ;

Mont à rànqàn d'ar maro, pa e mens en meritet:
 Pardon a c'houlennàn ous qement zo o clêvet.



Quittât ràn ar bed-mâ leun a dristidiguez:
 Va Jesus adorabl, ho pet ouzin truez!
 Mervel rin ouz ur potanç, ha va c'horf paour
 vô dêvet,
 Al ludu anezàn gant an avel stringet.



Comprenit va buez, entrezoc'h, bugale;
 Oboissit d'ho tud, balamour da Zoue,
 Hac e vezot sur un deiz oll da veza curunet
 Gant Jesus en e c'hloar en pales an Drindet.

FIN.



E Montroulez, eus a Impr. LEDAN.